



UNIVERSITÄTS-
BIBLIOTHEK
PADERBORN

Universitätsbibliothek Paderborn

Die Schedelsche Bibliothek

Stauber, Richard

Freiburg im Breisgau [u.a.], 1908

4. Dr. Ivo Wittigis an Hartmann Schedel (Bemühungen um Bücher)

[urn:nbn:de:hbz:466:1-54213](https://nbn-resolving.org/urn:nbn:de:hbz:466:1-54213)

Item pro singulis computatis constat II aureos in textualibus et illigatura quam manu propria diligentissima glozularum lucubratione exaravi in oppido Ambergenſi Anno domini M^oCCCC^oLXXIX^o: ſecundo officii mei phisici videlicet anno.
H. S. D.

3. Aufzeichnung Hartmann Schedels über testamentariſche Schenkung eines Livius [1489] und Epitaph des Petrus Monach. (2^o L. impr. c. n. mss. 39, fol. 413^r).

Hunc preclarum Librum Summi Historiographi Titi Livii: Rome impressum: famosissimus ac humanissimus doctor Petrus Monachi. plebanus Amberge. in suo legali testamento: mihi Hartmanno Schedel Nurembergensi arcium ac medicine doctori legavit. per procuratorem eius dominum Iohannem presentatum [oder to]. Is sincerissimus pastor suas oves divinis officiis ac predicacionibus fovens: mihi non mediocri benivolencia coniunctus Tandem ob impericiam Cirurgici de Babenberga qui herniam eius in tempore ac hora infelici incidit, sine meo scitu. postea die duodecima dies clausit extremos: sepultus ad S. Martinum ante summum altare sub lapide marmoreo Et tabula depicta in honorem sui patroni S. Iacobi in columpna chori affixa est. In memoriam eius tale edidi [?] epigramma:

Ante aram situs est celeberrimus ac doctissimus artium et iuris canonici doctor dominus Petrus Monachi: consiliarius incliti principis domini Philippi Palatini Rheni. plebanus huius ecclesie qui officio pastorali cum omni laude ac doctrina annis decem et septem gloriosissime prefuit. Obiit anno domini M^oCCCC^oLXXIX^o die vigesima prima mensis Marcii. Cuius anima in eterna beatitudine quiescat. Amen.

Epitaphium Petri Monachi.

Quisquis es hic fixus, cernisque forte tabellas
Funde pias preces et pia thura simul.
Hoc tumulo Petrus Monacchi clauditur ipse
Amberch quique fuit presul in urbe simul.
Ac templo istic, ter senis vix prefuit annis.
Sidere foelici, auspiciisque bonis.
Noverat et sacri qui doctor vincula iuris.
Et quitquid Cicero dixit et ipse Maro.
Totus Aristoteles omnis doctrina Platonis
Amplexuque fuit Scocia tota suo.
Invida mors huius claros extinxit ocellos
Humani generis proh mala condicio¹.

4. Dr Ivo Wittigis an Hartmann Schedel. Steinheim, 20. Sept. 1491 (4^o Inc. c. a. 1117, fol. 185/186, Einlage). Bemühungen um Bücher.

Clarissimo artium et medicine doctori domino Hartmanno Schedell amico maiori et observando ut fratri

¹ Das ganze Epitaph steht auch in Clm. 716 (fol. 298).

Nuremberg¹ — — —

Salutem plurimam dicit. Cum primum Mogunciam veni eximie doctor apud bibliopolas venditores diligenter scrutatus sum de Vitruvio in architectura et aqueductibus. Similiter et de stratagematibus Frontini. Sed neutrum profecto habere potui. Ut tamen operam meam non omnino inutilem sentiretis opusculum quoddam Eliani de aciebus et turmis instruendis ad prestanciam vestram dono transmittito. Quod quidem anno superiore dum redirem ex Italia, mecum adduxi. Idipsum clarissime domine doctor quamvis breve et modicum sit, nichilominus ob antiquitatem quam continet et mei memoriam inter libros vestros locum habere permittatis. Et longe felix bene valete, meaue opera (si quid possum) ut amici officio semper utamini.

Datum ex castro Steynheim anno domini etc. 91 vigesima die septembris.

Ivo² Wittigis, Doctor.

5. Briefwechsel Holzschuher-Schedel 1493/94.

a) Hieronymus Holzschuher an Hartmann Schedel. Padua, 21. Dez. 1493 (2^o Inc. c. a. 2715, fol. 198). Nachrichten über medizinische Bücher.

Excellentissimo arcium medicineque doctori Hartmanno Schedel tam accuratissimo quam doctissimo amicorum optimo³.

Hartmanno Schedel Arcium medicineque doctori Hieronymus Holtzschuer s. p. d.

Egregie domine doctor Accepi vestras ornatissimas litteras plenas leporis ac suavitatis: quibus iucundissimam familiaritatem vestram promittitis non defuturam quum una dierum paternos lares repetam: qua mihi iucundius aut dulcius esse non potuerit: polliceorque contra me operam daturum ac totis viribus niti ne frustra laborasse videar ac inperitus redirem dedecorans me: preceptorem patriamque: preterea enim ut d.[ominacionem] vestram de hiis que habere cupit cerciorem reddam, Noverit opus in medicina ut puta Hali filium abatem non minoris quam VIII libris vendi cuius exemplar unicum tantum inveni. Nam alibi extra dominium Venetorum nec venditur nec imprimitur secundario sub poena 50 librarum et amissione omnium librorum ob quam causam ne cum tantum sincera mente inpendissem fere ultra legitimum precium negligencie aut mendacii culparer hec vobis significare volui: deinde habetur tractatus de venenis magistri Santis venditur 1/2 ducato Item practica Filonii V libris. Alia non sunt. Epitaphia Antonii Cermisoni et Matheoli Perusini non inveniuntur. Quicquid ergo consilii d.[ominacionis] vestre super eo fuerit facite quam primum cognoscam. Ego enim quem admodum excellenciam vestram precipuam mihi semper duxi sic nihil eque curo cogitoque: quam ei gratum semper aliquid acceptumque efficere. Valete et me sicuti consuevistis amate. Pativie (!) 12 kalendas Ianuarii Anno salutis etc. 93.

Dazu fol. 198v die Notiz Schedels: Ob hanc ornatam epistolam cum eam doctor Hieronimus Muntzer legisset que ei summe placuit: et alias causas filiam suam Dorotheam dilectam ac unicam matrimonio copulavit eidem Hieronimo Holtzschuher cum amplissima dote. Qui postea in consilio Nurembergensi non minimus extitit; habitans in curia magna prope hospitale ubi maiores in longa gloria vixerunt.

¹ Unter dieser Außenadresse steht: presentatum 6. Octobris.

² Ivo steht deutlich im Original des Briefes, nicht Johann. Danach ist oben S. 73 zu verbessern. H. G.

³ Adresse fol. 198v. Holzschuher, nachmals von Dürer gemalt, war am 12. März 1487 an der Universität Ingolstadt immatrikuliert worden.